



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Quid sunt promissiones legis & Euangelij. tit. 140

urn:nbn:de:hbz:466:1-29452

tionem impetrat fides, & retentionem ipsa obediē-
tia præceptorum, quæ ducit ad possessionem regni
Dei, iuxta illud Matthæi 25. Esuriui, & dedistis mihi
manducare. Ideò si non retineretur distributa gra-
tia, nec sequeretur possessio regni: sicut, nisi come-
deris, non possidebis vitam, licet cibus non det vitā,
sed Deus & cæ.

QUID SUNT PROMISSIO-
nes Legis & Euangelij.

TITVLVS CXL.

Promissio est verbum Dei, quo nobis ali-
quid promittit vel daturum aut factu-
rum propter Christum, & nullam aliā
habet causam, nisi Christum. Est enim
penitus gratuita, & non habet causam
in nobis. Propter Christum electi sumus ad vitā an-
te constitutionem mundi, Ephes. 1. Propter Christum
fit promissio remissionis peccatorum, Ioan. 3. vt om-
nis qui credit, & cæ. Propter Christum datur & pro-
mittitur Spiritus sanctus, Ioan. 14. quem mittet pater
in nomine meo. Propter Christum promittitur vita
æterna, & donum est propter Christum, Roman. 6.
& propter Christum nostræ exaudiuntur preces, Ideò
iubet petere in nomine suo. Non igitur Deus à nobis
accipit occasionem promittendi, sed à Christo filio
suo: Non à lege, sed à misericordia sua. Non igitur o-
pera nostra merita sunt, vt propter illa accipiamus
promissiones, sed solum merita, per quæ ad nos veni-
unt, & nobis applicamus Christi beneficia.

Sunt autem duplices promissiones Dei: quædam
respicunt legem, & dicuntur promissiones legales:
Quædam verò Euangelium, & dicuntur Euangelicæ
promissiones. Fides apprehendit Euangelij promif-
siones, & lex suas promissiones. Atq; sic nec Euange-
lium, id est, fides, nec obediētia legis est inanis aut
posthabenda credenti.

Prima

Prima Euangelica promissio propter Christum est, quòd Deus non vult despiciere cor contritum, Psal. 50. sed credenti & confugienti ad Christum, daretur aeternam. Ioan. 3. Sic pater dilexit mundum, filium suum daret, vt omnis qui &cæt. Secunda Euangelica promissio, quòd credenti omnia, quæ petierit in nomine filij sui, vult dare, & exaudire, Ioannis 16. Vsq̄ modo non petijstis quicquam in nomine meo: Petite nunc, & accipietis: Hęc est altera promissio propter Christum.

Tertia Euangelica promissio, quòd oues, quas dedit sibi pater in manus suas, nemo debet de manibus suis rapere, Ioannis 10. eò quòd pater, qui sibi illas dedit, & cui æqualis est in diuinitate, maior est omnibus creaturis, Angelis, Sathana, hominibus, &c. Subindè, quòd vicit peccatum, mortem & Sathanã. Ioh. dicit, Confidite, quoniam ego vici mundum.

In illis tribus promissionibus comprehenduntur omnes aliæ promissiones Euangelij, quæ debent contingere credenti propter Christum. Et sic omnium promissionum diuinarum pignus est Christus, Eph. 1. Sic omnes promissiones de remissione, salute, cultu, tione, quæ signantur, futurum statum in aeternitate spiciunt, dicitur promissiones Euangelij, & propter solam personam Christi sunt factę, qui solus est causa omnium promissionum.

Secundò, sunt promissiones legis, quæ Deus iustificatis & baptizatis pro obedientia legis facit & donat, propter Christum tamen qui semper manet causa promissionis. Deus enim nihil nobis debet, etiam cum omnia fecerimus, Luc. 17. De illis promissionibus scribitur Exod. 20. Leuit. 26. Deuter. 28. Et sunt multiplices. Quædam enim respiciunt corpus, vt sanitatem à pestilentia & vlceribus: longam vitam, benedictionē in rebus, agris, arboribus, animalibus, fructibus, ventris, granario, cellario, id est, panem & vinum

quodiduum: Pacem à bello, constitutionem rerum & augmentationem, custodiam à furibus, incendio, vermibus, dare Solem & pluuiam recto tempore. Sic Daniel ieiunat, & sapientiam acquirit: sic sapiens magistratus, sic Hester oratione & ieiunio obtinet victoriam, Vidua Sareptana abundat oleo, &c. Sic obedientia legis habet sua præmia in hac & post hanc vitam secundum gradus laborum, 1 Corinthior. 3. & 15. differit stella à stella, &cæ. sed inter huiusmodi promissiones non fit mentio de remissione peccatorum, de donatione Spiritus sancti, aut de vita æterna. Hæc enim pertinent ad Euangelium, & per fidem in Christum gratis apprehenduntur: solum causam habent victimam Christi, Esa. 53. Ergo Deus obedientiam legis etiam ornatur his donis, atque promittit in millia benedictionem & præmium, & minatur in 3. & 4. generationem punitionem ijs, qui negligunt eius præcepta, Exod. 20.

Et sic patet, quomodo lex habet suum circulum, & speciales suas promissiones: & Euangelium quoque habet suum circulum & promissiones. Ideo distinctim hæc distinguere & interpretari oportet, ne fiat mixtura, ne hoc tribuamus legi, quod fidei & Euangelio debetur: è diuerso hoc quod legi debetur, fidei. Vtrumque igitur est necessarium ad salutem, credere Euangelio & pœnitere, id est, legem facere, quæ sunt opera pœnitentiæ, & custodiunt iustificationem. Vnum, id est, fides, apprehendit: alterum retinet, &cæ. Vt igitur in præsentem, vnus est altero sapientior, diuor, fortior, & cætera. & in cæteris sensibus abundat plus altero: sic in futura gloria erunt accidentalia præmia, & tamen sicut stellæ omnes erunt in vno cœlo, licet altera altera clarior & maior sit: sic lex diuersa habebit præmia, Ioannis 14. In domo patris mei mansiones &cæ.

QUAE